

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-20167/18  
Sarajevo, 19.11.2018.godine

Na osnovu člana 69. stav (2) tačka h) i člana 70. stav (1) i (4) Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, Općinski načelnik, d o n o s i

## **O D L U K U**

### **O PONIŠTENJU POSTUPKA JAVNE NABAVKE**

#### I

Prihvata se preporuka Komisije za javnu nabavku radova i poništava se postupak javne nabavke u predmetu Investiciono održavanje spomen obilježja broj obavještenja 422-7-3-249-3-128/18 objavljenom na Portalu javnih nabavki Agencije za javne nabavke BiH dana 09.10.2018.godine, obzirom da zaprimljene ponude nisu potpune i ne ispunjavaju zahtjeve iz tenderske dokumentacije za predmetnu nabavku.

#### II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama (u daljem tekstu: Zakon/ZJN). Zapisnik sa otvaranja ponuda i Zapisnik o radu Komisije sa preporukom o poništenju postupka javne nabavke u spisu.

#### III

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), u skladu sa članom 70. stav (6) Zakona o javnim nabavkama.

### *O b r a z l o ž e n j e*

Odlukom broj 02/12-23-20167/18 od 04.10.2018.godine Općina Novi Grad Sarajevo, pokrenula je konkuretski postupak za dodjelu ugovora u predmetu Investiciono održavanje spomen obilježja broj obavještenja 422-7-3-249-3-128/18 objavljenom na Portalu javnih nabavki Agencije za javne nabavke BiH dana 09.10.2018.godine. Za predmetnu nabavku bilo je predviđeno provođenje E-aukcije. Navedenom Odlukom, procjenjena vrijednost javne nabavke bez PDV-a iznosi 53.829,06 KM, a vrijednost nabavke sa uračunatim PDV-om iznosi 62.980,00 KM.

Komisija za javne nabavke radova (u daljem tekstu: Komisija) dostavila je Općinskom načelniku Zapisnik o radu Komisije sa preporukom o poništenju postupka javne nabavke od 16.11.2018.godine, kojim je utvrđeno slijedeće:

Zapisnikom sa otvaranja ponuda od 23.10.2018.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od sljedećih ponuđača: G.H.doo Sarajevo - Ljubina i Dinalsa doo Sarajevo. Zapisnik sa otvaranja ponuda dostavljen ponuđačima na fax.

Analizom zaprimljenih ponuda, Komisija je utvrdila slijedeće:

- ponuda ponuđača Dinalsa doo Sarajevo nije potpuna i ne ispunjava uslov tražen tenderskom dokumentacijom. Ponuda navedenog ponuđača nije prihvatljiva sa aspekta tehničke i profesionalne sposobnosti tražene u tački 4.2. Sadržaj ponude; podtačka 11) tenderske dokumentacije. Naime, ponuda ponuđača Dinalsa doo Sarajevo ne sadrži saobraćajnu dozvolu za dostavno vozilo, kako je to traženo uslovima iz tenderske dokumentacije. U skladu sa članom 68.tačka 1) Zakona o javnim nabavkama i tačkom 4.2.Sadržaj ponude; podtačka 11) tenderske dokumentacije, ocjenjeno je da navedena ponuda nije potpuna i ne ispunjava tražene zahtjeve, te je u vezi sa tim ista odbačena i nije predmet daljeg razmatranja i vrednovanja, niti je kandidovana za postupak E-aukcije.

1. Tenderskom dokumentacijom je definisano da kao prilog iste čini Aneks 8. – Nacrt ugovora. Ponuđač G.H.doo Sarajevo - Ljubina u svojoj ponudi je dostavio traženi Nacrt ugovora-Aneks 8, ali isti nije dopunio, potpisao niti ovjerio. U skladu sa članom 53. tačka (3) podtačka r) Zakona o javnim nabavkama i tačkom 9. Uputstva za pripremu modela tenderske dokumentacije i ponuda, definisano je da ponuda sadrži prijedlog ugovora koji treba biti potpisan od strane ponuđača, a što ovdje nije bio slučaj.

Ponuda navedenog ponuđača nije prihvatljiva ni sa aspekta tehničke i profesionalne sposobnosti tražene u tački 4.2. Sadržaj ponude; podtačka 11) tenderske dokumentacije, jer ista ne sadrži saobraćajnu dozvolu za dostavno vozilo, kako je to traženo uslovima iz tenderske dokumentacije.

Tačkom 4.2. Sadržaj ponude podtačkom 8. tenderske dokumentacije, reazeno je da ponuđači trebaju da dostave listu izvršenih ugovora koji su u vezi sa predmetnom nabavkom, a koji su realizovani u protekle tri godine. Istoimeni ponuđač nije dostavio traženu listu.

Obzirom da navedeni ponuđač nije ispunio uslove tražene tenderskom dokumentacijom, zakonskim i podzakonskim aktima, Komisija je ponudu ponuđača G.H.doo Sarajevo – Ljubina odbacila, te ista nije bila predmet dalje analize i vrednovanja, niti je kandidovana za postupak E-aukcije.


Uzevši u obzir da je Komisija u cijelosti pravilno i potpuno izvršila ocjenu kvalificiranosti ponuda, a u skladu sa Zakonom, podzakonskim aktima i tenderskoj dokumentaciji, u cjelosti se prihvata Zapisnik o radu Komisije i preporuka o poništenju postupka javne nabavke.

Na osnovu navedenog, a u skladu sa odredbom člana 69. stav (2) tačka h) Zakona o javnim nabavkama (Službeni glasnik br. 39/14), odlučeno je kao u dispozitivu Odluke.

#### **Pouka o pravnom lijeku:**

Ponuđač/i koji je sudjelovao u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 5 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila  
Enisa Babić, dipl. pravnik



Dostaviti:

1. Ponuđač/ima
2. Služba za zajedničke poslove
3. A r h i v i/u spis